

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

History von den fier Ketzren Predigerordens der Observantz zu Bern, im Schweytzerland verbrant ...

Murner, Thomas

[Thomas Murner], [1521]

Von der zweyträchtigen opinion der Barfussen unnd Predigern.

urn:nbn:de:bsz:31-59295

Wie hepte sich an die History

von den vier ketzern prediger ordens
zu Bern verbrant in Eydgnos-
sen. im iar M. D. vmd ix.

¶ Von der zweyträchtigen opinion der
Barfüßsen vmd Predigern.

Die göttlich geschribt beweist klärlich im
büch der schöpfung den val Ade vnser
ersten altuatters / vnd auch den fluch got-
tes über alles menschlich geschlecht / von
wegen seiner göttlichen gebot übertretung durch
Adam vnd Eua sein hauffraw beschechen / dan-
nenhar der zorn gottes durch vffsatz vnd list des tū-
fels mit dem tod yngangen ist indie ganze welt vnd
wir all erblich in sünden entpfangen vmd geboren
werden. Ist aber ein mercklich frag / Ob auch Ma-
ria die hoch gebendeite iungfraw vñ müter gottes
sollichem fluch sey vnderworffen / vnd erbsündlich
entpfangen oder des gefreyt vō gott. Von Christo
zweifelt nyemand / wan er selb der heylmacher vnd
war Messias ist. ¶ Vff dise frag etlich seind / vnd
namlich vil der Prediger die Mariam in erbsünd-
stossen wöllen. Dar gegen gemeyntlich streyten die
Barfüßer / denē mit hellig ist gar bey die gātz Chri-
stenheit. Als du wol harnach in dem lied vernemen
würst / was leerer dauon schrybē / dar zu auch was
miltigkeit sollich meynung auff ir hatt.

A ij